

Al vëgn lascé alsavëi

La prüma Mëssa sará por ezeziun en lünesc ai 18 de ma dales 19:30 y al vëgn soné adüm da festa ch'i podun indô ji a dljia; la „funziun de ma“ sará spo en mertesc.


Santes Mësses a Oies: por che jënt n'ais nia bria da se temëi de n'avëi nia lerch te dljia y che an foss ince plü partis sö, vëgnel zebré sö Oies en sabeda y domënia dales 16:00 la S. Mëssa (mo ciamó nia ia por l'edema).

Ciasa de Palsa: i rengraziun düc chi che ti á mené posta tratan chëstes edemes ai berbesc y ales mëdes che vir te Ciasa de Palsa. La posta é gnüda dër aprijada. Prëibel scriedi inant. La Ciasa de Palsa lascia ince al savëi che les portes resta inant stlüttes por vijitadus, mo che al é la poscibilité da tó sö contat cun i berbesc y les mëdes tres internet. Implü gnarál metü a jí tl dagní na poscibilité da se incunté te n ambiënt sigü por i berbesc y les mëdes.

Racoiüda vedli jeans: la Spona chir de vedli jeans por fa tepih. I jeans mëss ester lavá y saubri. I se periun da telefoné al numer 0471 843060 dal lünesc al vëndres dales 8.00 ales 15.00 por fá fora n termin da i dé jö. I se dijun n gran dilan danfora.

Dis dles Crusc / Rogaziuns

*Periede, spo se gnarál dé;
chiride, spo ciafarëise;
tlocorede a porta, spo se gnarál daurí.*



Plata dla Ploania Badia

San Iaco - San Linert

Ploan: Siur Iaco Wendelin Willeit

Cell. 347 909 4532

Colonia Badia: 0471/839571

E-Mail: parrocchiabadia@libero.it


Radio dla Ploania: 91,10 Mhz

UNITÉ PASTORALA



www.unitepastorala.org

Ann „A“ 17.05. – 24.05.2020 6° Domënia de Pasca n. 25



*lò perierá le Pere,
y èl ves dará n ater
paraclet,
che dess resté pro
os por dagnora.*

Vangelo dell' Ascensione del Signore

Mt. 28,16-20

In quel tempo, gli undici discepoli andarono in Galilea, sul monte che Gesù aveva loro indicato.

Quando lo videro, si prostrarono. Essi però dubitarono. Gesù si avvicinò e disse loro: «A me è stato dato ogni potere in cielo e sulla terra. Andate dunque e fate discepoli tutti i popoli, battezzandoli nel nome del Padre e del Figlio e dello Spirito Santo, insegnando loro a osservare tutto ciò che vi ho comandato. Ed ecco, io sono con voi tutti i giorni, fino alla fine del mondo».

FUNZIUNS SACRES

17.05. 6^a DOMÈNIA de Pasca - Ann A

10.00 Mëssa por la Comunità
†to Aldo Canins - aniversar
†to Erich Canins

18.00 †ta Waltraud Wieser Pizzinini
†to Majo Alfarei

18.05. Lünesc – S. Jan I / Papa y martire

19.30 *Al sona dütes les ciampanes por la daurada dles dljies*
Mëssa en recort dl de dla Confermaziun dl ann passé
†to Helmut Castlunger
por fam. Lauränz y Agnese Tasser en rengraz.
por fam. Aldo y Rosmarie Irsara y sorus Granruaz en reng.
y en onur a S. Maria

19.05. Mertesc

19.30 *Devoziun de ma*

20.05. Mercui – S. Bernardino da Siena

07.30 †tes Anna y Rosina Piccolruaz
†to Friedl Castlunger

21.05. Jöbia dles Rogaziuns

19.30 †ti proi don Angelo y don Lorenzo
por families de Davide y Tarina Campeï en reng.

22.05. Vëndres dles Rogaziuns – S. Rita da Cascia

07.30 †to Federico Ploner
vis y †ti de Irma Ploner

23.05. Sabeda dles Rogaziuns

16.00 *Mëssa a Oies*
19.30 Mëssa por †ti de Rita Irsara dl Gran Ander
por les animes dl purgatore

24.05. FESTA dl' ASSÈNZA - Ann A

10.00 Mëssa por la Comunità cun families di mituns dla 1. Comun.
†ti Otto, Pancraz y Giustina Clement
†ti Hermann y Amalia Irsara

16.00 *Mëssa a Oies*

18.00 Mëssa por †ti Declara da Fistí
vis y †ti de Erica Canins

Dala VITA dla CÛRA

I po indô ji a Mëssa y ala Comuniun

Al é plü de 2 mëisc ca y tröc se dij: *Can pón pa indô ji te dljia ?*

Sëgn vara indô – Deo gratias – y nos orun ti dé a düc (tan inant ch'al é poscibl te chësta situaziun) la ocasiun da gni te dljia; ia por l'edema ne sarál degun problem, mo les dumënies magari. I orun se partí sö te 3 Mësses a Badia plö 2 a Oies; spo podessera jí.

Sambëgn che al é da se tigní ales prescriziuns, mo chël messuns pa fá indlunch. Ara é insciö por düc. Dijô n vëscö: il rito sará sempre dignitoso, proprio anche se dobbiamo prendere tutte le precauzioni per la salute.

- I gnun a Mëssa por tēmp, deache an mëss se lavé les mans y se mëte la proteziun por nes y bocia... y dagnara lascé n bun meter de destanza.

- Al'entrada (ma öna) sarál na porsona che ciara sura y dëida pro l'organisaziun.

- Da jí ala Comuniun se lasciunse dlaurela y messun tres tigní destanza.

An pó ince indô dé l'oferta da jí fora.

- I dis da laur stunse düc te dljia tl toch sö dant (ince por evité de ne messëi vigni iade dejinfeté düta la dljia).

- Da partí ite avisa i posc (ca 90) ne vara nia; mo sce les families (ince cun i mituns) y chi che sciafia plü saurí vëgn bele la sabeda sëra dales 19,30 spo él plü lerch pro les atres Mësses dla dumënia.

- Les zelebrazions sará plü cürtes y cianté y perié düc adamënz.

La dljia é gnüda y vëgn tres dejinfetada.

I adurun jënt a sorvisc, cis por daidé al'entrada dan dljia. Prëitambel se prenoté pro la Rita dl Cunsëi; insciö ince por Oies pro P. Franz.